



# CONCELLO DE TOURO (A CORUÑA)

R.E.L. n.º 01150853 – C.I.F. P-1508600-B – MU 2000/196

**EXPEDIENTE 2023/G010/000009. PLENO SESIÓN ORDINARIA 9 DE NOVIEMBRE DE 2023.**

**ACTA Nº 2023/10**

**SESIÓN Ordinaria DO PLENO DA CORPORACIÓN**

Lugar: Salón de Plenos da Casa do Concello de Touro

Data: xoves 9 de novembro de 2023

Hora de comezo: 21:07 horas

Hora de remate: 22:35 horas

**PRESIDE:**

(alcalde-presidente)

**ASISTEN:**

Concelleiros

**Movemento Veciñal de Touro (pMVdeT)**

ROBERTO CASTRO ROCAMONDE [alcalde-presidente]

**ASISTEN:**

**Concelleiros**

**Partido Popular (PP)**

JESUS JOSE REBOREDO GONZALEZ

REBECA MARÍA CODESIDO BARREIRO

ALFREDO SOUTO CASTELO

ISOLINA SUAREZ MILLAN

MARÍA DEL CARMEN CARREIRA TOJO

**Movemento Veciñal de Touro (pMVdeT)**

DARIO REY SUAREZ

ANGELICA DOLORES LAMAS LOUZAO

JOSE LUIS RAMOS BARREIRO

**Partido Galego (PG)**

JESUS MARTINEZ PEREIRA

**Bloque Nacionalista Galego (BNG)**

XOÁN ANTÓN LOUZAO RODRÍGUEZ

**Outras asistencias:**

Secretario-Interventor

José López González

Constitúese o Pleno da Excelentísima Corporación en sesión ordinaria conforme á convocatoria e segundo a orde do día que se remitiu aos concelleiros coa antelación legalmente requerida.

## **I PARTE DE ADOPCIÓN DE ACORDOS**

### **I PARTE RESOLUTORIA**

- 1** EXPEDIENTE 2023/G010/000008. Pleno do Concello. Sesión ordinaria do 20 de setembro de 2023. Aprobación da acta da sesión.

- 2 EXPEDIENTE 2023/G010/000009. Pleno do Concello. Sesión ordinaria do 19 de outubro de 2023. Aprobación da acta da sesión.
- 3 EXPEDIENTE 2023/G006/000259. Organización e funcionamento da Corporación municipal 2023-2027. Dereitos económicos das persoas integrantes da Corporación.
- 4 EXPEDIENTE 2023/G016/000001. Ordenanza reguladora da taxa de abastecemento de auga municipal. Modificación do artigo 28 (tarifas para o ano 2024). Aprobación inicial.

## II PARTE DE CONTROL

- 5 EXPEDIENTE 2023/G006/000260. Decretos da Alcaldía ditados entre o 16 de outubro e o 5 de novembro de 2023. Toma de razón
- 6 Mocións

6.1. Moción do grupo municipal do BNG para a Reivindicación do día 25 de novembro e á necesidade de Impulsar compromisos económicos e orzamentarios para garantir a atención á violencia machista

6.2. Moción do grupo municipal do BNG para a limpeza e acondicionamento do campo de fútbol de Prevediños.

- 7 Rogos e preguntas

Antes de iniciar o Pleno resulta que os Concelleiros non ocupan os lugares establecidos polo Presidente na anterior sesión plenaria, deixando libre un lugar no lado dereito da mesa no que consta un cartel que pon Partido Popular e sentados todos os concelleiros do PP no lado esquerdo da Mesa.

O Alcalde diríxese aos Concellerios para que ocupen o seu lugar ou será expulsado do pleno, dirixíndose ao voceiro do grupo municipal do Partido Popular, Sr. Jesús Reboredo.

Jesús Reboredo da lectura ao artigo 89 do ROF e di que nin ocupa ese lugar nin abandona o Pleno.

O Alcalde propón que se chame ás forzas de seguridade para que abandone o Pleno, facendo unha primeira chamada a orde ao Concelleiro D. Alfredo Souto.

O Concelleiro do BNG, Xoan Louzao pregunta se xa está iniciada a sesión, en que momento exactamente da sesión nos atopamos, mostrando o seu desacordo co que está a acontecer.

O Alcalde di que o Pleno está iniciado, expulsando ao voceiro do grupo municipal do Partido Popular, Sr. Jesús Reboredo.

O Sr. Reboredo di que todo isto é esperpéntico, se quere suspender o Pleno, fágao, dicindo que o artigo 89 do ROF di que o grupo ten que estar unido, e non entende cal é o impedimento para celebrar o pleno con normalidade así sentados, xa que foron cambiados os sitios tras catro plenos sen ningún argumento o que considera un acto arbitrario e inxusto, polo que non vai a abandonar o Pleno.

O Sr. Alcalde di que se fai un receso ata que compareza a Garda Civil.

Ás 21:25 horas comparece a Garda Civil, solicitando a quen chamou que sala do salón de plenos para falar con eles, saíndo nestre intre o sr. Alcalde.

A continuación, unha vez que o alcalde entra de novo no salón de Plenos, sae o Sr. Reboredo a falar coa Garda Civil, entrando este ás 21.30 horas no salón de plenos para recoller as súas pertenzas e abandonar o salón de plenos.

## I PARTE DE ADOPCIÓN DE ACORDOS

- 1 **EXPEDIENTE 2023/G010/000008. Pleno do Concello. Sesión ordinaria do 20 de setembro de 2023. Aprobación da acta da sesión.**

### ANTECEDENTES

20.09.2023. Sesión do Pleno do Concello.



## CONCELLO DE TOURO (A CORUÑA)

R.E.L. n.º 01150853 – C.I.F. P-1508600-B – MU 2000/196

### CONSIDERACIÓNS XURÍDICAS

Real Decreto Lexislativo 781/1986, do 18 de abril, polo que se aproba o texto refundido das disposicións vixentes en materia de réxime local (artigo 50).

Real Decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das Entidades Locais (artigos 109 e 110).

### PROPOSTA DE ACORDO

**PRIMEIRO.** Aprobar a acta da sesión ordinaria do Pleno do Concello que tivo lugar o 20 de setembro de 2023.

**SEGUNDO.** Incorporar a dita acta ao Libro de Actas do Pleno do Concello, autorizándoa coa sinatura do secretario da Corporación de maila do alcalde, conforme ao previsto no artigo 113.1 do Real Decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das Entidades Locais, en relación co artigo 110 do mesmo texto legal.

### INTERVENCIÓNS

Non hai intervencións

### VOTACIÓN

Procédese a votación da proposta, resultando aprobada pola unanimidade dos dez concelleiros presentes nese intre na sesión, sendo once o seu número legal de membros.

## 2 EXPEDIENTE 2023/G010/000009. Pleno do Concello. Sesión ordinaria do 19 de outubro de 2023. Aprobación da acta da sesión.

### ANTECEDENTES

19.10.2023. Sesión do Pleno do Concello.

### CONSIDERACIÓNS XURÍDICAS

Real Decreto Lexislativo 781/1986, do 18 de abril, polo que se aproba o texto refundido das disposicións vixentes en materia de réxime local (artigo 50).

Real Decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das Entidades Locais (artigos 109 e 110).

### PROPOSTA DE ACORDO

**PRIMEIRO.** Aprobar a acta da sesión ordinaria do Pleno do Concello que tivo lugar o 20 de setembro de 2023.

**SEGUNDO.** Incorporar a dita acta ao Libro de Actas do Pleno do Concello, autorizándoa coa sinatura do secretario da Corporación de maila do alcalde, conforme ao previsto no artigo 113.1 do Real Decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das Entidades Locais, en relación co artigo 110 do mesmo texto legal.

### INTERVENCIÓNS

Non hai intervencións

### VOTACIÓN

Procédese a votación da proposta, resultando aprobada pola unanimidade dos dez concelleiros presentes nese intre na sesión, sendo once o seu número legal de membros.

**3 EXPEDIENTE 2023/G006/000169. Organización e funcionamento da Corporación municipal 2023-2027. Dereitos económicos das persoas integrantes da Corporación.**

**EXPEDIENTE 2023/G006/000259. Organización e funcionamento da Corporación municipal 2023-2027. Dereitos económicos das persoas integrantes**

**ANTECEDENTES**

17.06.2023. Constitución da Corporación municipal

**CONSIDERACIÓNS TÉCNICAS, XURÍDICAS E ECONÓMICAS**

**PRIMEIRA. Normativa que se aplica.**

Tense en consideración a seguinte normativa:

- Artigo 7 da Carta Europea de Autonomía Local, do 15 de outubro de 1985
- Artigos 75, 75.bis e 75.ter da Lei 7/1985, de 2 de abril, reguladora das bases do Réxime Local (LRBRL).
- Artigo 13 do Real Decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das Entidades Locais (ROF).
- Lei 5/1997, do 22 de xullo, de Administración Local de Galicia (LALGA).
- Lei 31/2022, de 23 de decembro, de Orzamentos xerais do Estado para o ano 2023.
- Real Decreto Lexislativo 8/2015, de 30 de outubro, polo que se aproba o texto refundido da Lei xeral da Seguridade Social (LXSS)
- Lei 53/1984, de 26 de decembro, de incompatibilidades do persoal ao servizo das Administracións Públicas (LI)
- Bases de execución do Orzamento municipal da Entidade Local Concello de Touro (orzamento 2022 prorrogado)

A normativa establece que as percepcións económicas dos cargos electos das Corporacións Locais como representantes comprenden os seguintes conceptos:

- ☐ Retribucións salariais cando desempeñen o cargo en réxime de adicación exclusiva.
- ☐ Retribucións salariais cando desempeñan o seu cargo en réxime de adicación parcial.
- ☐ Asistencias pola concorrencia efectiva ás sesións dos órganos colexiados da Corporación de que formen parte, na contía sinalada polo pleno da mesma.
- ☐ Indemnizacións polos gastos efectivos ocasionados no exercicio do seu cargo, segundo as normas de aplicación xeral nas Administracións públicas e as que en desenvolvemento das mesmas aprobe o pleno corporativo.

**SEGUNDO. Dereitos económicos incluídos no Estatuto dos cargos electos.** De acordo co artigo 75 da LRBRL e o artigo 136.2 da LXSS, os membros das Corporacións locais percibirán retribucións polo exercicio dos seus cargos cando os desempeñen con **adicación exclusiva**, nese caso serán dados de alta no Réxime xeral da Seguridade Social, asumindo as Corporacións o pago das cotas empresariais que corresponda (coas excepcións que establece a propia norma). No suposto de tales retribucións, a súa percepción será incompatible coa doutras retribucións con cargo aos orzamentos das Administracións públicas e dos entes, organismos ou empresas delas dependentes, así como para o desenvolvemento doutras actividades, todo iso nos termos da Lei 53/1984, de 26 de decembro, de incompatibilidades do persoal ao servizo das Administracións Públicas.

Os membros das Corporacións locais que desempeñen os seus cargos con **adicación parcial** por realizar funcións de Presidencia, Vicepresidencia ou ostentar delegacións, ou desenvolver responsabilidades que así o requiran, percibirán retribucións polo tempo de adicación efectiva ás mesmas, nese caso serán igualmente dados de alta no Réxime Xeral da Seguridade Social en tal concepto, asumindo as Corporacións as cotas empresariais que corresponda (coas excepcións que a propia norma establece). Ditas retribucións non poderán superar en ningún caso os límites que se fixen, no seu caso, nas Leis de Orzamentos Xerais do Estado. Nos acordos plenarios de determinación dos cargos que leven aparelhada esta adicación parcial e das retribucións dos mesmos,



## CONCELLO DE TOURO (A CORUÑA)

R.E.L. n.º 01150853 – C.I.F. P-1508600-B – MU 2000/196

deberase conter o réxime da adicación mínima necesaria para a percepción das devanditas retribucións.

Os membros das Corporacións locais que sexan persoal das Administracións Públicas e dos entes, organismos e empresas delas dependentes soamente poderán percibir retribucións pola súa adicación parcial a súas funcións fóra da súa xornada nos seus respectivos centros de traballo, nos termos sinalados no artigo 5 da Lei 53/1984, de 26 de decembro, sen prexuízo do disposto no apartado sexto do mesmo artigo.

Só os membros da Corporación que non teñan adicación exclusiva nin adicación parcial percibirán asistenciais pola concorrencia efectiva ás sesións dos órganos colexiados da Corporación de que formen parte, na contía sinalada polo pleno da mesma.

Os membros das Corporacións locais percibirán indemnizacións polos gastos efectivos ocasionados no exercicio do seu cargo, segundo as normas de aplicación xeral nas Administracións públicas e as que en desenvolvemento das mesmas aprobe o pleno corporativo.

As Corporacións locais consignarán nos seus orzamentos as retribucións, indemnizacións e asistenciais a que se fai referencia no catro números anteriores, dentro dos límites que con carácter xeral establézanse, no seu caso. Deberán publicarse integramente no Boletín Oficial da Provincia e fixarse no taboleiro de anuncios da Corporación os acordos plenarios referentes a retribucións dos cargos con adicación exclusiva e parcial e réxime de adicación destes últimos, indemnizacións e asistenciais, así como os acordos do Presidente da Corporación determinando os membros da mesma que realizarán as súas funcións en réxime de adicación exclusiva ou parcial.

Os límites en contías e números de adicacións, o artigo 75.bis.1 da LRBRL dispón que os membros das Corporacións Locais serán retribuídos polo exercicio do seu cargo nos termos establecidos no artigo anterior. Os Orzamentos Xerais do Estado determinarán, anualmente, o límite máximo total que poden percibir os membros das Corporacións Locais por todos os conceptos retributivos e asistenciais, excluídos os trienios aos que no seu caso teñan dereito aqueles funcionarios de carreira que se atopen en situación de servizos especiais, atendendo entre outros criterios á natureza da Corporación local e á súa poboación segundo a seguinte táboa:

Habitantes	Referencia
1.000 a 5.000	Secretario de Estado -60%

O artigo 75.bis da LRBRL conforme á actualización establecida na Disposición Adicional 27ª da Lei 31/2022, de 23 de decembro, de Orzamentos Xerais do Estado para o ano 2023, e considerando o disposto no seu artigo 21 establece a táboa actualizada que recolle o límite máximo total que poden percibir os membros das Corporacións Locais por todos os conceptos retributivos e asistenciais, excluídos os trienios aos que no seu caso teñan dereito aqueles funcionarios de carreira que se atopen en situación de servizos especiais, atendendo entre outros criterios á natureza da Corporación local e á súa poboación:

Habitantes	Referencia - Euros
1.000 a 5.000	46.464,02

O artigo 75.ter da Lei 7/1985, de 2 de abril, reguladora das Bases do Réxime Local -LRBRL- regula a limitación no número dos cargos públicos das Entidades Locais con adicación exclusiva establecendo que a prestación de servizos nos Concellos en réxime de adicación exclusiva por parte dos seus membros deberá axustarse en todo caso aos seguintes límites:

(...)

d) *Nos Concellos de Municipios con poboación comprendida entre 3.001 e 10.000 habitantes, os membros que poderán prestar os seus servizos en réxime de adicación exclusiva non excederá de tres.*

(...)

Non se establecen límites ao número de adicacións parciais non podendo superar a súa contía o 75 % da cantidade establecida como máxima a percibir na adicación exclusiva segundo o tramo poboacional.

**TERCEIRO. Procedemento de aprobación.** O establecemento de réxime de adicación parcial require de existencia de consignación orzamentaria para atender as adicacións dos membros electivos da Corporación.

O pleno, a proposta do presidente, determinará dentro da devandita consignación, a relación de cargos da Corporación que se desenvolven en réxime de adicación e as contías das retribucións de cada un deles.

Corresponde ao presidente da Corporación o nomeamento dos membros electivos que han de desempeñar tales cargos. Pois aos alcaldes atribúeselles a potestade de nomeamento de tenentes de alcalde e de delegación de funcións nestes e nos concelleiros (artigo 23.4 da LRBRL).

O nomeamento para o cargo debe ser expresamente aceptado.

O desempeño en réxime de adicación exclusiva non supón vinculación coa administración de carácter laboral nin estatutario nin funcional.

En canto á potestade de nomeamento ata os límites establecidos pola LRSAL non existía precepto legal algún que restrinxise o seu número.

## PROPOSTA DE ACORDO

**PRIMEIRO. Aprobar unha retribución por adicación parcial para o cargo electo:**

CARGO	RETRIBUCIÓN ANUAIS	
Alcaldía	Partida:	912.100,00
	Salario:	25.920,00
	Pagas extras:	4.320,00
	Retribucións totais anuais:	30.240,00 €
	Seguridade Social empresa:	9.948,96 €
	Custe total:	40.188,96 €

Esta retribución actualízase anualmente conforme as cantidades que en concepto de réxime retributivo dos membros das corporacións locais establece a Lei de orzamentos xerais do Estado para cada ano.

Este acordo terá efectos dende o 17.06.2023.

O réxime de adicación mínima que se establece para percibir a retribución é de 30 horas semanais.

**SEGUNDO.** Solicitar ante a Tesouraría Xeral da Seguridade Social a alta do cargo que pasa a desenvolver o seu cargo en réxime de adicación parcial, asumindo o Concello as obrigas que as normas do Réxime Xeral da Seguridade Social impón ás Empresas en relación cos traballadores ao seu servizo.

**TERCEIRO.-** Notificar este acordo aos voceiros dos diferentes grupos políticos municipais e a todos os concelleiros, facendo constar á persoa integrante da Corporación designada para desenvolver o cargo ao que se lle recoñece a adicación parcial que terá que aceptarse no prazo de 3 días dende a súa notificación.

**CUARTO.-** Publicar o presente acordo no Boletín Oficial da Provincia da Coruña e no Taboleiro de anuncios deste Concello, dando traslado do mesmo á Administración Xeral do Estado e á da Comunidade Autónoma para os efectos previstos no artigo 65 da Lei 7/1985, de 2 de abril, reguladora das bases do Réxime Local.

## INTERVENCIÓNS

O Alcalde Roberto Castro Rocamonde, explica resumidamente a proposta que se trae a aprobación polo Pleno da corporación.



## CONCELLO DE TOURO (A CORUÑA)

R.E.L. n.º 01150853 – C.I.F. P-1508600-B – MU 2000/196

Intervén, a Concelleira do PP Rebeca María Codesido, dicindo que é o mesmo dos plenos anteriores e que o seu grupo vai votar en contra.

O Voceiro do BNG; Xoan Antón Louzao Rodríguez, di que xa conseguiu o que quería; tivemos a man tendida e o que fixeron foi mordernos esa man; ata denegarnos un informe do Secretario relativo as enmendas e como somos un grupo minoritario que non chega a un terzo dos membros non se nos deu, se lle ve os seus intereses e non deixarlle ao Secretario a emisión do informe e se nos nega ese mínimo dereito.

Todo foi un despropósito, estabamos dispostos a negociar e vostede o que fixo foi morder aman, acabamos de velo, cumprimos coa nosa promosa de que o candidato do PP non fose Alcalde, pero o que non podemos e acatar o que vostede diga porque si. O sentido do noso voto xa o sabe.

Rebeca María Codesido pregunta se por iso expulsou a un Concelleiro do PP.

O Alcalde resposta que non, que o Concelleiro buscou a súa expulsión sen máis, foi advertido e fixo caso omiso, el buscou a expulsión.

### VOTACIÓN:

Votos a favor: cinco (4 de pMVdeT e 1 de PG)

Votos en contra cinco (4 de PP e 1 de BNG)

Abstencións: ningunha (0 votos)

Ao producirse empate, procedeuse a realizar una segunda votación, co seguinte resultado:

Votos a favor: cinco (4 de pMVdeT e 1 de PG)

Votos en contra cinco (4 de PP e 1 de BNG)

Abstencións: ningunha (0 votos)

Resultando aprobada a seguinte proposta co voto de calidade do presidente.

### PRIMEIRO. Aprobar unha retribución por adicación parcial para o cargo electo:

CARGO	RETRIBUCIÓN ANUAIS	
Alcaldía	Partida:	912.100.00
	Salario:	25.920,00
	Pagas extras:	4.320,00
	Retribucións totais anuais:	30.240,00 €
	Seguridade Social empresa:	9.948,96 €
	Custe total:	40.188,96 €

Esta retribución actualízase anualmente conforme as cantidades que en concepto de réxime retributivo dos membros das corporacións locais establece a Lei de orzamentos xerais do Estado para cada ano.

Este acordo terá efectos dende o 17.06.2023.

O réxime de adicación mínima que se establece para percibir a retribución é de 30 horas semanais.

**SEGUNDO.** Solicitar ante a Tesouraría Xeral da Seguridade Social a alta do cargo que pasa a desenvolver o seu cargo en réxime de adicación parcial, asumindo o Concello as obrigas que as normas do Réxime Xeral da Seguridade Social impón ás Empresas en relación cos traballadores ao seu servizo.

**TERCEIRO.-** Notificar este acordo aos voceiros dos diferentes grupos políticos municipais e a todos os concelleiros, facendo constar á persoa integrante da Corporación designada para desenvolver o

cargo ao que se lle recoñece a adicación parcial que terá que aceptarse no prazo de 3 días dende a súa notificación.

**CUARTO.-** Publicar o presente acordo no Boletín Oficial da Provincia da Coruña e no Taboleiro de anuncios deste Concello, dando traslado do mesmo á Administración Xeral do Estado e á da Comunidade Autónoma para os efectos previstos no artigo 65 da Lei 7/1985, de 2 de abril, reguladora das bases do Réxime Local.

#### **4 EXPEDIENTE 2023/G016/000001. Ordenanza reguladora da taxa de abastecemento de auga municipal. Modificación do artigo 28 (tarifas para o ano 2024). Aprobación inicial.**

##### **ANTECEDENTES**

23.12.2022. Aprobación polo Pleno do Concello da Modificación da Ordenanza taxa abastecemento auga municipal.

30.10.2023. Providencia da Alcaldía de incoación do expediente para a aprobación inicial da ordenanza.

02.11.2023. Dictame favorable da Comisión informativa de facenda e especial de contas.

##### **CONSIDERACIÓNS TÉCNICAS, XURÍDICAS E ECONÓMICAS**

###### **PRIMEIRA. Normativa aplicable**

Lei 7/1985, de 2 de abril, reguladora das bases do réxime local (LRBRL).

Real decreto lexislativo 781/1986, do 18 de abril, polo que se aproba o texto refundido das disposicións legais vixentes en materia de réxime local (TRRL).

Real Decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais (artigo 123 e concordantes).

Real Decreto Lexislativo 2/2004, do 5 de marzo, polo que se aproba o texto refundido da Lei reguladora das Facendas Locais.

Lei 5/1997, do 22 de xullo, de administración local de Galicia (LALGA).

Lei 39/2015, do 1 de outubro, do procedemento administrativo común das administracións públicas (LPACAP).

Lei 40/2015 do 1 de outubro, do réxime xurídico do sector público (LRXSP).

###### **SEGUNDA. PROCEDIMENTO DE MODIFICACIÓN DAS ORDENANZAS FISCAIS.**

As ordenanzas fiscais teñen o obxectivo de regular a imposición e ordenación dos tributos municipais; acordar a imposición, modificación ou supresión dos tributos propios é unha competencia municipal (artigo 15 do TRLRFL)

Na súa calidade de Administración Pública de carácter territorial, e sempre dentro da esfera das súas competencias, corresponde a este concello a potestade regulamentaria e de auto organización así como a modificación das ordenanzas reguladoras.

A aprobación das ordenanzas locais axustarase ao procedemento establecido no artigo 49 da Lei 7/1985, do 2 de abril e no artigo 17 da Real Decreto Lexislativo 2/2004, do 5 de marzo, no que as ordenanzas fiscais se refire.

Para a modificación das ordenanzas terán que observarse os mesmos trámites que para a súa aprobación (artigo 56 do Real Decreto Lexislativo 781/1986, do 18 de abril).

O acordo de aprobación inicial e, no seu caso, de aprobación definitiva da modificación da ordenanza corresponde ao pleno do Concello, sen quórum especial (artigo 22 da Lei 7/1985, do 2 de abril, en relación co artigo 47 da mesma norma); e artigo 107.b da Lei 5/1997, de 22 de xullo.





## CONCELLO DE TOURO (A CORUÑA)

R.E.L. n.º 01150853 – C.I.F. P-1508600-B – MU 2000/196

### TERCEIRA. REFERENCIA AO TRÁMITE DE PARTICIPACIÓN CIDADÁ NA LEI 39/2015, DO 1 DE OUTUBRO, DO PROCEDEMENTO ADMINISTRATIVO COMÚN.

Conforme coa sentenza do Tribunal Constitucional 55/2018, do 24 de maio (BOE do 22 de xuño), os artigos 132 e 133 da Lei 39/2015, do 1 de outubro, relativos á “planificación normativa” e “participación dos cidadáns no procedemento de elaboración de normas con rango de lei”, respectivamente, foron declarados contrarios ao orde constitucional. En consecuencia, para a aprobación ou modificación das ordenanzas fiscais reguladoras dos tributos locais, os concellos non terán que abordar os ditos trámites.

### CUARTA. ENTRADA EN VIGOR E VIXENCIA.

A aprobación ou modificación dunha ordenanza non entrará en vigor ata que se publique completamente o seu texto e transcorra o prazo previsto no artigo 65.2. Lei 7/1985, do 2 de abril (artigo 70.2 da mesma norma).

A vixencia das ordenanzas e regulamentos municipais é indefinida e se manteñen en vigor ata que se acorde a súa modificación ou derogación expresa.

### QUINTA. CONTIDO MATERIAL DA MODIFICACIÓN DA ORDENANZA PROPOSTA.

Ten por obxecto adaptar a taxa pola prestación do servizo á variación do IPC no período decembro-2021/decembro-2022, que ascende segundo o INE ao 5,70 por cento.

Propónse modificar o artigo 28 da ordenanza reguladora para adaptar a taxa pola prestación do servizo á variación do IPC no período decembro-2021/decembro-2022, que ascende segundo o INE ao 5,70%.

Propóñense as seguintes modificacións da ordenanza:

Artigo	Redacción actual	Redacción proposta
28	<p><b>A contía da taxa regulada nesta ordenanza será a fixada na tarifa seguinte:</b></p> <ul style="list-style-type: none"><li>- Mínimo ata 30 m<sup>3</sup> por abonado ao trimestre: 0,4722 €/m<sup>3</sup>.</li><li>- De 31 m<sup>3</sup> a 45 m<sup>3</sup> por abonado ao trimestre: 0,5449 €/m<sup>3</sup>.</li><li>- Máis de 45 m<sup>3</sup> por abonado ao trimestre: 0,7264 €/m<sup>3</sup>.</li></ul> <p>Estas tarifas incrementaranse conforme ao establecido na lei co IVE que corresponda en cada momento.</p>	<p><b>A contía da taxa regulada nesta ordenanza será a fixada na tarifa seguinte:</b></p> <ul style="list-style-type: none"><li>- Mínimo ata 30 m<sup>3</sup> por abonado ao trimestre: 0,4991 €/m<sup>3</sup>.</li><li>- De 31 m<sup>3</sup> a 45 m<sup>3</sup> por abonado ao trimestre: 0,5760 €/m<sup>3</sup>.</li><li>- Máis de 45 m<sup>3</sup> por abonado ao trimestre: 0,7678 €/m<sup>3</sup>.</li></ul> <p>Estas tarifas incrementaranse conforme ao establecido na lei co IVE que corresponda en cada momento.</p> <p><b>Incluir o relativo as acometidas e contadores que se prevén no artigo 28 da Ordenanza.</b></p>

### PROPOSTA DE ACORDO

#### PRIMEIRO. APROBAR INICIALMENTE A MODIFICACIÓN DA ORDENANZA REGULADORA DA TAXA DE ABASTECIMENTO DE AUGA MUNICIPAL SEGUNDO O IPC CUXO TEXTO ÍNTEGRO FIGURA COMO ANEXO.

**SEGUNDO.** Iniciar un período de exposición pública do expediente e publicar no taboleiro de edictos da Casa do Concello e no Boletín Oficial da Provincia da Coruña, por un prazo de 30 días hábiles, dentro dos que os interesados poderán examinalo e presentar as reclamacións que estimen oportunas.

**TERCEIRO.** Elevar a definitivo o acordo que inicialmente se adopta se non se presentan reclamacións ou alegacións a dita aprobación inicial.

**CUARTO.** Facultar o alcalde do concello para cantas actuacións de trámite sexan precisas para a mellor execución do acordado.

## ORDENANZA FISCAL REGULADORA DA TAXA DE ABASTECIMENTO DE AUGA MUNICIPAL A DOMICILIO

**Artigo 1.º** De conformidade co previsto no artigo 17 do Real Decreto Lexislativo 2/2004, de 5 de marzo, polo que se aproba o texto refundido da Lei reguladora das facendas locais este Concello establece a taxa polo subministro de auga que se rexerá pola presente Ordenanza.

**Artigo 2.º** As concesións de auga faranse aos propietarios de fincas urbanas, aos arrendatarios ou a calquera usuario, sempre que estean autorizados para introducir a auga nos edificios que ocupan polos donos dos mesmos.

**Artigo 3.º** As concesións faranse a título persoal, previo pago das tarifas vixentes.

**Artigo 4.º** Non se farán concesións gratuítas aos particulares, corporacións, institucións, organismos oficiais ou outros similares.

**Artigo 5.º** A auga subministrarase mediante contador, que medirá en volumes a cantidade consumida, que será a que o abonado deba pagar segundo as taxas desta Ordenanza, partindo dun mínimo igual para tódolos usuarios.

**Artigo 6.º** As concesións de auga serán para usos domésticos ou industriais, entendéndose por tales: bebida, preparación de alimentos, limpeza, aseo persoal e outras similares.

**Artigo 7.º** As concesións de auga coa rede xeral serán autorizadas pola Xunta de Goberno Local, previa solicitude do interesado, e serán realizadas única e exclusivamente polo persoal encargado de dita xestión polo Concello.

**Artigo 8.º** Desde a peza de toma colocada no ramal correspondente da rede do abastecemento, a instalación farase polo Concello, sendo de conta do abonado o custo correspondente da instalación e conservación.

**Artigo 9.º** O Concello, en evitación de abusos, poderá exercer unha vixilancia sobre tubaxes, aparatos de condución e media de auga. O persoal encargado do servizo de augas estará autorizado para entrar nas fincas e inspeccionar e practicar os recoñecementos que xulguen convenientes.

**Artigo 10.º** Tódalas concesións faranse polo sistema de contador, podendo os abonados establecer no interior das súas fincas, despois do contador, o número de billas que consideren convenientes.

**Artigo 11.º** O contador de auga será propiedade do abonado, convenientemente verificado pola Delegación de Industria da Provincia.

**Artigo 12.º** En cada toma de auga instálase unha chave de paso, que só poderán manexar os encargados do servizo. Os abonados faranse cargo dos gastos de conservación e reparación de dita chave. En caso de avaría na toma de auga, o Concello poderá ordenar o seu precintado de forma temporal.

**Artigo 13.º** Os usuarios no poderán vender nin ceder gratuitamente a auga a terceiras persoas, aínda que sexa para dedicar ó mesmo uso para o que se ten concedida.

**Artigo 14.º** As concesións de auga van unidas ás fincas que as desfrutan, non podendo, por tanto, transferirse dunha a outra, nin en parte nin na súa totalidade.

**Artigo 15.º** Os abonos comezarán a contar desde o día no que empece a correr a auga pola tubaxe do abonado.

**Artigo 16.º** O usuario poderá causar baixa cando o desexe, solicitando nas oficinas municipais a baixa correspondente, momento no que procederán os encargados do servizo a cortar o subministro.

**Artigo 17.º** O abonado ou os seus herdeiros serán responsables do pago da cota. No caso de baixa, o pago terá efecto ata o primeiro día do mes seguinte.

**Artigo 18.º** A tarifa da auga ten un mínimo mensual de consumo de dez metros cúbicos.

**Artigo 19.º** No caso de avaría do contador, durante o tempo no que estea inutilizado calcularase o consumo en base ó gasto habido na mesma finca en igual época dos anos anteriores. Esta circunstancia notificarase ó abonado por escrito, dándolle un prazo de 15 días para solicitar o cambio de contador, e a substitución correrá por conta do abonado.



## CONCELLO DE TOURO (A CORUÑA)

R.E.L. n.º 01150853 – C.I.F. P-1508600-B – MU 2000/196

**Artigo 20.º** Os abonados que alteren o funcionamento dos contadores para obter un maior volume de auga do que os aparatos sinalan, pagarán una multa de trinta euros, e ademais, o triplo da tarifa mensual a partir do día no que os empregados do servizo efectuaron o último control ata que se advertiu o fraude.

**Artigo 21.º** A falta de pago do recibo trimestral leva consigo a suspensión automática do subministro de auga sen previo aviso ó usuario. Igualmente, suspenderase o servizo en caso de que fora negada a entrada no domicilio ó encargado das visitas de inspección oficial.

**Artigo 22.º** As solicitudes para conectar na rede xeral do abastecemento de auga potable dirixiranse á Alcaldía e pasarán á aprobación da Xunta de Goberno Local, sendo de conta do solicitante o importe dos materiais, as obras de apertura e peche de gabias, colocación de tubaxes arqueta para rexistro. Tódalas obras necesarias serán realizadas polos encargados do servizo de augas no seu caso.

**Artigo 23.º** Os recibos pagaranse trimestralmente de acordo coas indicacións do contador.

**Artigo 24.º** Os abonados serán responsables dos danos ou prexuízos que a existencia das tubaxes poida causar a terceiros.

**Artigo 25.º** Se o caudal das augas experimentara variacións por razóns climatolóxicas ou outras de forza maior, non darán dereito esta circunstancia aos abonados para que reclamen cantidade algunha a título de indemnización polos danos sufridos.

**Artigo 26.º** Cando o abonado observe variacións ou deficiencias no subministro, deberá dar conta con rapidez ao Concello ou ao servizo de augas.

**Artigo 27.º** Cando as circunstancias técnicas ou climatolóxicas así o impoñan, pola Alcaldía poderase cortar o subministro ou regular o seu uso de forma temporal.

**Artigo 28.º** A contía da taxa regulada nesta ordenanza será a fixada nas tarifas seguintes:

### **Tarifas do servizo de abastecemento**

- Mínimo ata 30 m<sup>3</sup> por abonado ao trimestre: 0,4991 €/ m<sup>3</sup>
- De 31 m<sup>3</sup> a 45 m<sup>3</sup> por abonado ao trimestre: 0,5760 €/ m<sup>3</sup>
- Máis de 45 m<sup>3</sup> por abonado ao trimestre: 0,7678 €/ m<sup>3</sup>

Estas tarifas incrementaranse conforme ao establecido na lei co IVE que corresponda en cada momento.

### **Acometidas e contadores**

#### **1. Acometidas de abastecemento.**

Faise o cálculo en base á acometida normal de 5 metros de lonxitude máxima (1 a 5 metros).

#### **MATERIAIS**

- Ud. Collarín de toma.
- Ud. De enlaces.
- Tubería P.E.B.D. 1 a5 metros
- Ud. Chave da paso.
- Tapa de fundición de 15 x 25 cm.

#### **OBRA CIVIL**

1. Ud. De arqueta para colocación de tapa de 15 x 25
2. 1 a 5 m .l. de zanja (apertura, peche e reposición de pavimento).

Fanse presos diferentes dependendo do diámetro da acometida e do tipo de reposición a realizar na zanja. (materiais: 40 % + man de obra 60 %).

ACOMETIDA	TERRA (A)	ASFALTO (B)	BALDOSA-ACERA (C)
¾"	266,66	299,21	327,04
1"	283,34	321,63	341,31
1¼"-1½"	311,79	347,27	380,74
2"	343,61	377,43	412,57

Incremento do prezo da acometida para lonxitudes superiores a 5 metros.

ACOMETIDA MÁIS DE 5 METROS	¾"	1"	1¼"- 1½"	2"
(A) Incremento € x m.	11,97	13,95	19,96	33,42
(B) Incremento € x m	26,28	28,29	34,29	47,69
(C) Incremento € x m	31,54	33,56	39,47	52,95

## 2. Contadores

### 2.1 Instalación de contadores en batería ou similar

- Contador
- Válvula antiretorno
- Pezas conexión
- Prezo contador instalado.
- Contador de 15 mm 94,31 €/ud
- Contador de 20 mm. 110,07 €/ud

### 2.2 Instalación de contador de diámetro superior a 20 mm.

Para contadores de diámetros superiores farase presuposto previo.

### 2.3. Tarifas de contadores sen colocación

13/15 mm. 58,87 Euros/unidad

20 mm. 81,81 Euros/unidad

25 mm. 133,19 Euros/unidad

30 mm. 186,22 Euros/unidad

40 mm. 288,74 Euros/unidad

50 mm. 630,70 Euros/unidad

65 mm. 781,92 Euros/unidad

### 2.4. Desprecintado de contador

Por desprecintado de contador precintado por baixa voluntaria ou corte de subministro: 21,85 €/ud.

### 2.5. Conexión a rede de abastecemento e precintado de racores

Racores de contadores instalados por persoal alleo ao servizo de augas: 21,74 €/ud.

### 2.6. Prezo por comprobación de contador do abonado con contador patrón.



# CONCELLO DE TOURO (A CORUÑA)

R.E.L. n.º 01150853 – C.I.F. P-1508600-B – MU 2000/196

*A petición do abonado: por comprobación da medición do contador*

*do abonado con contador patrón 21,63 €/ud.*

*As anteriores tarifas non inclúen o I.V.E.*

*Estas tarifas incrementaranse conforme ao establecido na lei co IVE que corresponda en cada momento.*

**Disposición final.** *Esta Ordenanza entrará en vigor o día da súa publicación no Boletín Oficial da Provincia, e comezará a aplicarse a partir do día primeiro de xaneiro de 2024, permanecendo en vigor ata a súa modificación ou derogación expresa.*

*Tras o turno de intervencións amosando a súa conformidade a proposta tanto o Grupo Municipal do Partido Popular como o Grupo Municipal do BNG.*

## INTERVENCIÓNS

O Concelleiro José Luis Ramos Barreiro (MVXT) explica o contido da proposta.

Tanto o grupo municipal do PP coma do BNG amosan a súa conformidade á proposta.

## VOTACIÓN:

Procédese a votación da aprobación da referida proposta, resultando aprobada pola unanimidade dos dez concelleiros presentes nese intre na sesión, sendo once o seu número legal de membros.

## II PARTE DE CONTROL

### 5 EXPEDIENTE 2023/G006/000220. Decretos da Alcaldía ditados entre o 1 de setembro e o 13 de outubro de 2023. Toma de razón

#### ANTECEDENTES

Decretos da Alcaldía ditados entre o 16 de outubro e o 30 de outubro de 2023.

#### CONSIDERACIÓNS XURÍDICAS

Artigo 42 do Real Decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais.

#### PROPOSTA DE ACORDO

**PRIMEIRO.** O Pleno do concello toma coñecemento sucinto dos Decretos da Alcaldía ditados entre o 16 de outubro e o 30 de outubro de 2023 (artigo 42 do Real Decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais):

Nº de Expediente	Asunto	Nº Decreto	Data sinatura
2023/G003/000288	EXPEDIENTE 2023/G010/000009. Pleno do Concello. Sesión ordinaria do 19 de outubro de 2023	260/2023	16-10-2023
2023/G003/000276	EXPEDIENTE 2023/E002/000007. Lista admitidos e composición Tribunal dun/ha Traballador/a Social.	261/2023	17-10-2023
2023/G003/000289	EXPEDIENTE 2022/E001/000015. Proceso de estabilización de emprego temporal do concello de Touro (OPE aprobada por acordo da Xunta de Goberno Local do 24 de maio de 2022). Lista provisional admitidos e excluídos convocatoria AUXILIAR DE APOIO AO PAI.	262/2023	17-10-2023
2023/G003/000290	EXPEDIENTE 2022/E001/000014. Proceso de estabilización de emprego temporal do concello de Touro (OPE aprobada por acordo da Xunta de	263/2023	17-10-2023

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.  
(artigo 42.b da Lei 40/2015, de 1 de outubro, de Réxime Xurídico do Sector Público)

	Goberno Local do 24 de maio de 2022). Lista provisional admitidos e excluídos convocatoria ENCARGADA PAI.		
2023/G003/000291	EXPEDIENTE 2022/E001/000013. Proceso de estabilización de emprego temporal do concello de Touro (OPE aprobada por acordo da Xunta de Goberno Local do 24 de maio de 2022). Lista provisional admitidos e excluídos convocatoria AUXILIAR DE AXUDA NO FOGAR (SAF)	264/2023	17-10-2023
2023/G003/000293	EXPEDIENTE 2022/E001/000011. Proceso de estabilización de emprego temporal do concello de Touro (OPE aprobada por acordo da Xunta de Goberno Local do 24 de maio de 2022). Lista provisional admitidos e excluídos convocatoria CONDUCTOR ENCARGADO CAMIÓN DO LIXO.	265/2023	17-10-2023
2023/G003/000294	EXPEDIENTE 2022/E001/000001. Proceso de estabilización de emprego temporal do concello de Touro (OPE aprobada por acordo da Xunta de Goberno Local do 24 de maio de 2022). Lista provisional admitidos e excluídos convocatoria AUXILIAR DE SERVIZOS SOCIAIS.	266/2023	17-10-2023
2023/G003/000295	EXPEDIENTE 2023/002/000068. Solicitud SAF.	267/2023	17-10-2023
2023/G003/000296	EXPEDIENTE 2023/E002/000007. Lista de admitidos e composición tribunal selección de persoal laboral temporal dun/ha Traballador/a Social.	268/2023	17-10-2023
2023/G003/000297	EXPEDIENTE 2023/002/000069. Solicitud SAF.	269/2023	17-10-2023
2023/G003/000298	EXPEDIENTE 2022/e001/000002. Lista provisional de admitidos e excluídos praza administrativo promoción interna.	270/2023	18-10-2023
2023/G003/000301	EXPEDIENTE 2023/S010/000009. Solicitud Teleasistencia domiciliaria.	271/2023	18-10-2023
2023/G003/000302	EXPEDIENTE 2023/G007/000023. Pago IRPF 3º trimestre 2023.	272/2023	19-10-2023
2023/G003/000300	EXPEDIENTE 2022/E001/000012. Proceso de estabilización de emprego temporal do concello de Touro. Resolución recurso de reposición convocatoria ANIMADOR/A DEPORTIVO/A	273/2023	20-10-2023
2023/G003/000303	EXPEDIENTE 2023/G006/000257. Aprobación e pagamento de facturas e gastos provedores varios.	274/2023	23-10-2023
2023/G003/000305	EXPEDIENTE 2023/C003/000002. Plan de mellora de camiños rurais 2023-2024. Mellora de acceso á Capilla e outro e mellora de camiño en Tribás e outros. Nomeamento membros Mesa contratación.	275/2023	23-10-2023
2023/G003/000306	EXPEDIENTE 2023/G003/000306. Aprobación e pago participación tribunais procesos de selección.	276/2023	23-10-2023
2023/G003/000307	EXPEDIENTE 2022/E001/000012. Proceso de estabilización de emprego temporal do concello de Touro (OPE aprobada por acordo da Xunta de Goberno Local do 24 de maio de 2022). Lista provisional admitidos e excluídos convocatoria ANIMADOR/A DEPORTIVO/A	277/2023	23-10-2023
2023/G003/000308	Pagos Axencia Tributaria e Tesorería Seguridade Social	278/2023	23-10-2023
2023/G003/000309	EXPEDIENTE 2023/T002/000008. Xeración de crédito fondo adicional ao fondo de cooperación local e recollida de residuos especiais de competencia municipal anualidade 2023.	279/2023	24-10-2023
2023/G003/000310	EXPEDIENTE 2023/002/000070. Baixa SAF.	280/2023	24-10-2023
2023/G003/000304	EXPEDIENTE 2023/G007/000023. Xunta Goberno Local. Sesión extraordinaria do 26 de outubro de 2023	281/2023	25-10-2023
2023/G003/000312	EXPEDIENTE 2023/V006/000010. Solicitud de tarxeta de estacionamento e accesibilidade para persoas con discapacidade	282/2023	26-10-2023



# CONCELLO DE TOURO (A CORUÑA)

R.E.L. n.º 01150853 – C.I.F. P-1508600-B – MU 2000/196

2023/G003/000311	Cristina Andújar Garrido. Recoñecemento de produtividade	283/2023	26-10-2023
2023/G003/000313	Decreto quilometraxe e dietas mes de setembro de 2023.	284/2023	27-10-2023
2023/G003/000314	EXPEDIENTE 2023/002/00007. Redución horas SAF.	285/2023	27-10-2023
2023/G003/000315	EXPEDIENTE 2023/E002/000007. Formalización contrato laboral persoal laboral temporal dun/ha Traballador/a Social.	286/2023	30-10-2023
2023/G003/000316	Expediente. 2023/G012/000007. Comisión especial de contas. Sesión extraordinaria 02.11.2023	287/2023	30-10-2023

O pleno dase por enterado.

## 6 Mocións

### 6.1. Moción do grupo municipal do BNG para a Reivindicación do día 25 de novembro e á necesidade de Impulsar compromisos económicos e orzamentarios para garantir a atención á violencia machista.

Intervén Xoan Antón Louzao Rodríguez, BNG, defendo a seguinte moción que di:

*“Reivindicación do día 25 de novembro e á necesidade de Impulsar compromisos económicos e orzamentarios para garantir a atención á violencia machista*

*Ante o negacionismo e a banalización da violencia machista, é urxente un compromiso político e orzamentario firme por parte de todas as institucións. Máis aínda nun contexto no que vimos de ver como no que vai de 2022 aumentaron os feminicidios tanto en Galiza como no conxunto do Estado. Esta situación, que se dá ademais nun contexto sociopolítico de avance dos discursos machistas, debe facer saltar todas as alertas nas administracións públicas e levar á revisión dos mecanismos previstos para mellorar a prevención e a intervención, así como para concienciar á sociedade das consecuencias do patriarcado e da falsidade dos discursos que cuestionan a súa existencia.*

*O pasado 13 de outubro o Observatorio de Violencia do Consello Xeral do Poder Xudicial facía públicos os datos máis recentes respecto da violencia contra a muller na estatística xudicial, que nos permiten ver unha parte da súa enorme dimensión ao térense rexistrado no primeiro semestre de 2023 un total de 1707 denuncias. Pola súa banda, na Memoria 2023 (Exercicio 2022) da Fiscalía de Galiza recóllense máis de 5.000 delitos incoados como violencia de xénero e máis de 1.600 contra a liberdade e a indemnidade sexual.*

*Por outra banda, un dos ámbitos que máis preocupa ás persoas expertas é o do lecer e ocio nocturno e o coñecemento de violacións e agresións sexuais en grupo e por parte de agresores mozos, como aconteceu nos últimos meses en Porriño, Monforte ou en Sarria. Aínda que o Parlamento galego acordou, a proposta do BNG, impulsar un Protocolo específico para este ámbito en febreiro de 2023, e a Xunta afirmou que estaría listo antes do verán, continúa sen estar activado.*

*A violencia machista debe ser unha prioridade política, social e institucional de primeira orde e fronte a efemérides rituais e baleiras de contido, temos unha responsabilidade colectiva á hora de fixar novos compromisos como adecuar as axudas á escalada de prezos e comprometer máis recursos, así como esixir o cumprimento daquelas cuestións que aínda están sen desenvolver da Lei galega contra a violencia machista, como é a atención psicolóxica na atención primaria. Por todo o exposto, o Grupo Municipal do Bloque Nacionalista Galego somete a debate e aprobación polo Pleno esta moción, propondo a adopción dos seguintes ACORDOS:*

*1.- Expresar o seu rexeitamento ante o avance dos discursos negacionistas e banalizadores da violencia machista, e a súa preocupación ante os retrocesos en dereitos que está a impulsar a dereita en diversas institucións no conxunto do Estado, así como o seu apoio ás demandas do feminismo galego e ás convocatorias impulsadas ao abeiro do 25 de novembro de 2023.*

2.- Instar á Xunta de Galiza a incrementar os recursos económicos destinados especificamente a loitar contra a violencia de xénero do proxecto de orzamentos de 2024 de forma que se sitúen como mínimo, no 1% do total.

3.- Instar á Xunta de Galiza a incrementar os esforzos na prevención e na loita contra a violencia sexual, acelerando os traballos encamiñados ao cumprimento dos acordos parlamentarios en materia de aprobación e aplicación dun protocolo de prevención e intervención fronte agresións sexuais no marco do ocio nocturno e impulsando no curso 2023/2024 unha campaña específica sobre a violencia sexual e os recursos no ámbito do ensino secundario e universitario para espallar o seu coñecemento entre a poboación máis nova.

4.- Demandar da Xunta de Galiza a aprobación dun programa de ampliación e extensión dos CIM a través de medidas como o incremento da achega económica do programa de axudas e subvencións de apoio aos CIM que permita non só o pagamento dos custes de persoal e de mantemento senón tamén o desenvolvemento de actividades e programas de prevención da violencia machista e a promoción da igualdade.

5. Acolleuse, por parte do concello de Touro, ao Programa de subvencións a municipios e outras entidades locais para o financiamento de persoal técnico de igualdade de xénero e axentes de igualdade de xénero no ano 2024, da deputación da Coruña e proceder, con cargo a este programa, á contratación dunha persoa para a realización e dinamización de actividades que fomenten a igualdade no noso concello.”

## INTERVENCIÓNS

Intervén, a Concelleira do PP Rebeca María Codesido, dicindo que estamos en contra de toda violencia, pero respecto do punto 1 non estamos de acordo con el, polo que si non se modifica ou se retira ese punto non podemos votar a favor.

O voceiro do BNG, Xoan Louzao di que o que lle molesta é a referencia á dereita, unha dereita que non é a de vostede, senón quen está cambiando violencia machista por doméstica é a ultradereita e sodes cómplices e o tedes que recoñecer, sería bo que a moción se aprobase por unanimidade, agora ben sinceramente máis light ou máis suave a moción non pode ser polo que o vou manter.

O voceiro de MVXT, Darío Rey di que están de acordo coa moción presentada, e o personal técnico deste Concello está a traballar nestes temas e están de acordo en solicitar a subvención a Deputación para contratar un técnico na materia.

No Segundo turno de intervención, a Concelleira do PP Rebeca María Codesido di que non é un problema de dereita nin de esquerda, é un problema social.

Xoan Louzao, resposta dicindo que non se di que sexa culpa senón que hai un retroceso nos dereitos que está a impulsar a dereita, o cal é certo e non o vou a retirar.

## VOTACIÓN:

Procédese a votación da aprobación da referida moción, resultando aprobada polo voto a favor dos catro concelleiros de MVXT, do concelleiro PG e do concelleiro do BNG e as catro abstencións dos concelleiros do PP, sendo once o seu número legal de membros.

### 6.2. Moción do grupo municipal do BNG para a limpeza e acondicionamento do campo de fútbol de Prevediños.

Intervén Xoan Antón Louzao Rodríguez, BNG, defendo a seguinte moción que di:

*“Limpeza e acondicionamento do campo de fútbol de Prevediños.*

*Na parroquia de Prevediños, no lugar de Doade, a parcela que quedou para ser utilizada como campo de fútbol está a día de hoxe completamente abandonado e con maleza que fan imposible o seu uso para tal fin.*

*Ademáis, este terreo está sendo utilizado como un vertedoiro dado que algúns veciños e veciñas verten alí refugallos de todo tipo como rodas, plásticos, vidro, etc.*

*Esta situación provoca que este terreo estea inutilizado e non poida ser usado como campo de fútbol tendo que usar fincas particulares como fixeron na festa parroquial o verán pasado.*

*Polo o exposto é polo que presentamos ao pleno a adopción dos seguintes*





# CONCELLO DE TOURO (A CORUÑA)

R.E.L. n.º 01150853 – C.I.F. P-1508600-B – MU 2000/196

## ACORDOS.

- 1. Que por parte do concello se proceda á limpeza de todos os residuos depositados na citada parcela, que se proceda á limpeza da maleza de mesma e se advirta da prohibición de tirar lixo na mesma.*
- 2. Así mesmo que se proceda a un adecentamento para que poida ser usada como campo para practicar deporte por parte das veciñas e veciños da parroquia*

## INTERVENCIÓNS

O Concelleiro do PP. Alfredo Souto di que están de acordo.

O Voceiro de MVXT Darío Rey Suárez di que na súa exposición de motivos fai referenciar a un vertedoiro e se pode identificar aos causantes dese vertedoiro debería denunciarse; a marxe disto como se trata dunha competencia municipal farán a retirada dos residuos, respecto do segundo punto do acordo considera que é inconcreto, non se fai referencia a que uso debe ter esa parcela, que tipo de equipamento se propón para o lugar.

O Voceiro do BNG; Xoan Antón Louzao Rodríguez di que é coñecedor desa situación, que os veciños lle manifestaron esa situación e a miña competencia á denunciarse, non identifico nin digo tan sequera que sexan veciños da parroquia.

Respecto do punto segundo, entendo que debe haber unha reunión cos veciños e un acordo con eles para saber dentro do posible e dos límites que ten esta parcela a que adicala.

## VOTACIÓN:

Procédese a votación da aprobación da referida moción, resultando aprobada pola unanimidade dos dez concelleiros que asisten á sesión, co voto a favor dos catro concelleiros de MVXT, do Concelleiro do PG, do Concelleiro do BNG e dos catros concelleiros do PP, sendo once o seu número legal de membros.

## 7 Rogos e preguntas.

- A concelleira do PP, Sra. Rebeca María Codesido, pregunta sobre o alumado e a auga porque o alumado de cada tres días falla dous e a auga sae revolta, na Rúa Pucho Boedo cada vez que chove sae de cor marrón.

O Sr. Alcalde resposta di que entón melloramos porque antes de tres días fallaba tres e agora pasamos de tres a dous, dicindo que están encargados os traballos pertinentes para realizar as actuacións urxentes para evitar as situacións de inseguridade e mellorar a eficiencia, o aforro enerxético e a luminosidade.

En canto a auga estase nunha situación similar, onde terá que haber importantes actuacións e inversións tanto en canto a volume como en canto a o custe. A empresa adxudicataria do servizo está facendo un plan integral que permita dotar os abastecementos e que se cumpran as funcións correspondentes.

- O Concelleiro do PP, D. Alfredo Souto pregunta por un proxecto adicional do Pos 2022, relativo a pavimentación en Vilar de Calvos e outros camiños, que leva xa moito tempo a documentación feita.

O Concelleiro de obras do PG, Jesús Martínez di que o proxecto está adxudicado e que houbo un problema coa empresa para que se fixera no seu tempo.

- Pregunta tamén sobre o Decreto 239 relativo ás dietas e kilometraje, sobre se son dos traballadores e funcionarios.

O Alcalde resposta que se aproba un Decreto, xa sabe que antes se facía doutra forma, os decretos son públicos e si son do persoal do Concello.

- Pregunta D. Alfredo Souto polo inventario que se estaba a facer porque nalgunha das antigas escolas chove e falarse de que estas podían pasar a ser titularidade do Concello.

O Alcalde di que intentaron facer ese inventario durante trinta anos, o inventario está en proceso de entrega por parte da empresa que o está a elaborar; o Concello procederá a súa revisión porque recibiu parte da documentación e ten que ver se se lle da a súa aprobación ou non.

- Formula outra pregunta o Sr. Souto, sobre se os traballadores levan o coche municipal para a casa.

O Sr. Alcalde di que cando está en función de garda de protección civil, si.

O Sr. Alfredo Souto ten entendido que o levan continuamente.

O Sr. Alcalde di que lle respostou á realidade existente.

- Pregunta, O Sr. Alfredo Souto por camiños que se desbrozaban todos os anos e actualmente están sen desbrozar, por se se vai actuar sobre eles.

O Alcalde resposta que aínda faltan tres meses e pico para rematar cos desbroces.

O Sr. Souto di que os camiños que están mal son os seguintes: de Cerqueiro en a Xunqueira, hacia o río en Vilar, hacia Chousa Vella e no Muxeirido.

O alcalde toma nota e di que están pendentes de limpar.

- Realiza o Sr. Souto unha pregunta sobre se os gasóleos se adxudican a unha determinada empresa ou se piden orzamentos.

O Sr. Alcalde di que os concelleiros teñen acceso aos expedientes das propostas de gastos e poden consultalos, dicindo que se piden diferentes orzamentos e faise en base ao prezo, se ben xa lle anticipo a intención é licitar o subministro de gasóleos; dicindo que só se adquire gasóleo A como ten que ser para vehículos, máquinas e tractores.

- O Sr. Souto di se lle pode aclarar porque no primeiro pleno que se trouxo a proposta de soldo do alcalde distinguía un apartado de media xornada e outra de xornada completa.

O Sr. Alcalde di que non había nada diso, senón que distinguía para a xente que non tiña adicación.

A proposta era da asistencia a órganos colexiados de todos os concelleiros excepto o alcalde, de 150 euros por Pleno, Xunta de Goberno e Comisións informativas e dos órganos non colexiados como as xuntas de portavoces tamén de 150 euros pero establecíase neste caso media xornada e xornada completa.

O Sr. Souto non se amosa conforme coa resposta.

O Sr. Alcalde di que xa lle amosará a proposta, non se preocupe, e pode retorcer todo o que queira, pero a resposta é a que é.

- Pregunta a continuación, o Sr. Souto, porque cambiou de encargado do persoal laboral.

O Sr. Alcalde di que vostede aprobou unha RPT onde non me consta que haxa encargados.

O Sr. Souto di que cambiou de encargado e que ve no coche eléctrico a un traballador de un lado para o outro.

O Sr. Alcalde reitera que non lle constan encargados.

- Pregunta o Sr. Souto se seguen dando os vales da zorra.

O Sr. Alcalde di que por non comprometelo ao Alcalde anterior e a vostede non lle vou facer unha explicación pública das irregularidades que estiveron a facer durante todos estes anos, non insista que non quero facer revisionismo, non me faga darlle explicacións de como funcionaban os vales.

O Sr. Alfredo Souto di que pode facelo, se considera que houbo tantas irregularidades.

- A Concelleira Rebeca María Codesido pregunta por curiosidade porque nunca nos plenos se lle da a palabra ao Partido Galego, se lle da o turno da palabra a todos os grupos menos ao Partido Galego, porque pregunta.

O Concelleiro do Partido Galego di que intervén cando o considera.

- O voceiro do BNG, Xoan Louzao pregunta que vai a facer o Concello cos traballadores temporais que non entraron na estabilización.

O Sr. Alcalde resposta que o que lle di o seu contrato.

Entón, van ir a rúa interpela o Sr. Louzao.

O Sr. Alcalde di que son contratos definidos no tempo, que foron prorrogándose non caben máis prórrogas conforme ao Convenio regulador aprobado polo concello e comunicáraselle o cese aos



## CONCELLO DE TOURO (A CORUÑA)

R.E.L. n.º 01150853 – C.I.F. P-1508600-B – MU 2000/196

traballadores cando proceda.

O voceiro do BNG di que son servizos esenciais, polo que pregunta como ten previsto cubrir os servizos.

O Alcalde di que facendo as contratacións conforme á lei.

Pregunta o Sr. Louzao se hai prazo para poder substituílos.

O Alcalde reitera que se fará conforma a lei, nunca a dedo, cumprindo os criterios de igualdade, mérito, capacidade e igualdade.

O Sr. Louzao di como o vai facer, vaise a dar rematado o proceso para ese día?

O Sr. Alcalde di que agardemos que sí.

- Pregunta o Sr. Louzao polo custo para o Concello na colaboración do cross celebrado.

O Alcalde diq eu o Concello costeou as ambulancias, tanto a básica como a medicalizada, e de memoria, non lebro ben pero arredor de mil douscentos euros foi o custe así como a colaboración na tramitación dos permisos para poder celebrar a proba.

- O Sr. Louzao di que que lle parece que o Concello vai da man de patrocinadores como Cobres San Rafael.

O Sr. Alcalde di que o Concello non colabora con ningún patrocinador nin vai da man deles, o que fai o Concello é colaborar cos clubs, asociacións... semellante a como colabora coas comisións de festas sendo estas as que buscan os colaboradores e patrocinadores.

O Sr. Louzao pregunta se non vai a mirar que son os patrocinadores dos eventos?

O Sr. Alcalde di que en xenérico con todo patrocinador, pero dependerá en cada caso en función de quen sexa, e pide que non valore máis alá a resposta.

-Pregunta o Sr. Louzao pola festa da terceira idade, porque se licitou como contrato menor se logo superou os quince mil euros, porque se fixo así cando era probable que pasase isto.

O Sr. Alcalde di que consta no expediente un informe dos servizos sociais, onde consta a previsión de asistencia e esta entraba sobradamente no contrato menor, pero asistiu moita máis xente da prevista e como o prezo era por menú servido o importe foi maior do previsto.

- O voceiro do BNG, Sr. Louzao di que pola mesma razón aínda que non ten nada que ver, hai unha obra cun orzamento pechado de 39.999.99 euros no límite so contrato menor, preguntando ao respecto.

O Sr. Alcalde di que pode consultar o expediente de contratación e o proxecto e a documentación que hai ao respecto.

- O Sr. Louzao di que hai obras a medio executar, deixanse sen facer e logo remátanse uns meses despois.

O Concelleiro de obras di que se debe a que o tempo se puxo mal.

O Sr. Louzao di que non sabe se pode ser un problema da empresa que tamén pode ser.

- O voceiro do BNG pregunta se respecto da obra que está en licitación da Rúa Pucho Boedo se arranxaron as irregularidades dos anchos das aceras, ou cambiouse o proxecto e se a Deputación puxo obxección a esta obra.

O Sr. Alcalde di que a Deputación non puxo obxección e o papel pode con todo, xa que as dimensións das aceras nun lado di que cumpre e noutro que non cumpre. A realidade é que incumpren e trataremos na execución de facer as adaptacións para que cumpran. Da un sobre ancho respecto do proxecto, que non vai a alterar a aprobación da subvención.

- O Sr. Louzao di que no facebook do Concello desaparecen comentarios, preguntando que os retira.

O Alcalde di que tería que haber un filtro pero nin sequera iso, senón que os retira a propia persoa, non hai consignas para retirar os comentarios.

O Sr. Louzao di que non é a primeira vez que aparecen retirados os comentarios e que se alegra e

parécelle moi ben que non sexan vostedes que no fan.

- O Concelleiro do PP Alfredo Souto pregunta quen colleu a obra de pavimentación de Vilar de Calvos e outros.

O Concelleiro delegado de obras, Jesús Martínez di que está pendente de apertura, que se abrirá o luns e que anteriormente cando preguntou por este asunto equivocárase.

O alcalde di que todo isto poden consultalo en tempo real na plataforma de contratos, estando actualizado por primeira vez, non hai ánimo de ocultar nada; antes había contratos que os seus estados estaban sen actualizar durante anos.

Non habendo máis asuntos que tratar levante a sesión por orde da Presidencia sendo as 22:35 horas do 9 de novembro de 2023.

Como secretario-interventor dou fe e estendo esta acta.

Concello de Touro, na data da sinatura dixital

José López González, secretario-interventor

Roberto Castro Rocamonde, alcalde-presidente